

«Էդիթ Պրինտ» հրատարակչություն

Ավարտական հետազոտական աշխատանք

Թեմա՝ Սաների իրավունքների ու ազատությունների, պատվի ու արժանապատվության պաշտպանությունը

Հաստատություն՝ «Աշտարակ համայնքի թիվ 5 Արաքս Մուրադյանի անվան մանկապարտեզ >> ՀՈԱԿ

Դաստիարակ՝ Մերի Հարությունյան

Ղեկավար՝ Ժաննա Ավետիսյան

ԲՈՎԱՆԴԱԿՈՒԹՅՈՒՆ

Ներածություն	2
Երեխայի իրավունքները	
Որոնք են երեխայի իրավունքները	4
Կարիք ունեցող երեխաների իրավունքները	6
Ազատ երեխան	
5-6 տարեկան երեխաների ազատ որոշումներ կայացնելու իրավունքը.....	8
Ի՞նչ է ազատ խաղը, և ինչու՞ պիտի այն խրախուսել	9
Որն է ազատ խաղի օգտակարությունը երեխաների համար	10
Պատիվ և արժանապատվություն	
Զննադատություն մեծահասակի կամ ծնողների կողմից	11
Ի՞նչն է վիրավորում երեխային	12
Վիրավորանք թե՛ խրախուսանք	13
Կոմպլեքս և թեմատիկ ուսուցման պլանավորումը մանկապարտեզ.....	14
Եզրակացություն	21

Ներածություն

Մանկությունը շատ ավտոնոմ ոլորտ է և ինքնաբավ աշխարհ, մեծերը շատ զգուշորեն պետք է այնտեղ մտնեն: Շատ կարևոր է երեխաներին մանկուց բացատրել թե՛ ինչ է ազատությունը, նրանց իրավունքները: Հիմնաքարային երեկույթներ կան, որ հետո երեխայի աշխարհընկալումն են ձևավորում: Այսօր երեխայի համար պարզ, փոքր երկույթների մասին պատմություններ քիչ են ստեղծվում, փոխարենը կրթական բովանդակությունն է գերիշխում: Աշխարհը շարունակ փոփոխվում է մարդկային գործունեության արդյունքում: Արդի աշխարհը հետևանքն է երեկվա մեր գործելակերպի, իսկ մեր այսօրվա գործողությունները պայմանավորում են մեր ապագան: Այս գիտակցությամբ կարող ենք այսօր օգնել մեր երեխաներին հետագոտելու և վերլուծելու այն գործընթացները, որոնք ներգործություն ունեն ապագայի ձևավորման վրա: Հարկավոր է ուղղորդել նրանց, որպեսզի կարողանան գիտակցված և պատասխանատվությամբ գործել՝ նպաստելով ավելի բարվոք ապագայի կերտմանը:

Սույն փաթեթի ստեղծումը թելադրված է հենց այս ամենին նպաստող մի երևույթի՝ սաների իրավունքների և ազատությունների, պատվի ու արժանապատվության պաշտպանության անհրաժեշտության գիտակցմամբ:

Իրավունքն ու ազատությունը մի երևույթ է, որը միտված է ժողովրդավար, ազատ ու արդար հասարակության ձևավորմանը՝ նպաստելով ապրել և համագործակցել սովորեցնելուն: Այն խթանում է այնպիսի արժեքներ ու սկզբունքներ, ինչպիսիք են՝ ազատությունը, բազմակարծությունը, երեխայի իրավունքները, օրենքի գերակայությունը:

Երեխաների իրավունքները հասարակության միասնականության, փոխըմբռման գործոն է, որը նպաստում է երեխաների միջև խաղաղ, ներդաշնակ հարաբերությունների խթանմանը և մերժում խտրականությունը, բացառում բռնությունը:

Սաների իրավունքների և ազատությունների, պատվի ու արժանապատվության պաշտպանությունն ուսումնադաստիարակչական գործընթացում հետագոտման նպատակն է երեխաներին օգնել ձեռք բերելու որոշակի կարողություններ, ինչպիսիք են՝

1. արդյունավետ հաղորդակցվելը և համագործակցելը
2. տեղեկատվությունը ազատ վերլուծելու կարողությունը
3. այլոց հետ կառուցողականորեն, համերաշխ հարաբերվելու կարողությունը
4. ազատ ընտրություն կատարելու, որոշում կայացնելու և խնդիրներ լուծելու ունակությունը
5. իրավունքների և պարտականությունների փոխկապակցվածության գիտակցումը, շրջապատի հանդեպ հոգատար վերաբերմունքը և քաղքացիական ակտիվ դիրքորոշումը:

Փաթեթը բաղկացած է բաժիններից: Յուրաքանչյուր բաժնում ներկայացված են երեխաների հիմնարար իրավունքների և ազատությունների մասին տեղեկատվություններ, որպեսզի երեխան հասկանա իր իրավունքներն ու ազատությունները: Փաթեթում ներկայացված են թեմատիկ պարապմունքներ, որոնք կունենան իրենց դրական արդյունքը նախադպրոցական տարիքի երեխաների համար:

Որոնք են երեսաների իրավունքները

Ինչու՞ ենք կարևորում , որ երեսաները սովորեն թե՛ ինչ է իրավունքը:

Աշխարհի մարդիկ բոլորն էլ միատեսակ կենսական կարիքներ ունեն՝ սննդի, կացարանի, առողջության, սիրո, բարեկամության և այլն: Մինչդեռ հաճախ այս հիմնական կարիքները չեն բավարարվում: Ամենամեծ անարդարությունը, թերևս, չբավարարունն է , որի պատճառով մարդը գրկվում է կենսական կարիքները բավարարելու իր իրավունքից: Իրավագրկության պատճառ է նաև խտրականությունը՝ լինի դա ռասայական, սեռային, կրոնական և այլն:

Այս ամենը բերում է մի պարզ ճշմարտության, որ արդարությունը մարդկության առաջընթացի կարևորագույն նախապայմանն է :

Ամեն հասարակություն հույս ունի , որ իրենց երեսաները մեծանալով ունակ ու պատասխանատու քաղաքացիներ կդառնան և ի վիճակի կլինեն գործել ի նպաստ և ի բարօրություն այդ հասարակությանը :

Մինչդեռ երեսան, որը գրկված է իր հիմնական իրավունքներից, չի կարող մեծանալ որպես հոգատար, ուրիշի իրավունքները հարգող, գործուն դիրքորոշում ունեցող անհատ:

Անարդարությունը բախումների և բռնության հիմնական պատճառն է : Իսկ բախումներն ու բռնությունն էլ իրենց հերթին էլ ավելի մեծ անարդարություն են ծնում: Հենց այս պատճառով էլ, գիտակցելով մարդկության առաջընթացի համար արդարության մասին ուսուցանելու անհրաժեշտությանը: Երեսաները պետք է իմանան, թե՛ ինչ է իրավունքը, որոնք են իրենց իրավունքները, որպեսզի կարողանան ապրումակցել նրանց, ում իրավունքները ոտնահարվում են, պատրաստ լինեն պայքարելու թե՛ իրենց, թե՛ ուրիշների իրավունքների համար՝ հանուն արդարության, հանուն այն բանի, որ մարդիկ , անկախ ծագումից, մաշկի գույնից կամ հավատքից, հավասար իրավունքներով օժտված լինեն, որպեսզի յուրաքանչյուրը հնարավորություն ունենա ձևավորվելու որպես անհատ, կայանալու իր ողջ ներուժի չափով:

Սակայն արդարության մասին ուսուցումը միայն օրենքի վերացական հոգվածներին ծանոթացնելով չի սահմանափակվում: Այն կարևորում է, որ երեսաները գիտակցեն արդարությանը վերաբերող խնդիրների ներգործությունն իրենց իսկ կյանքին՝ իրենց անմիջական շրջապատին՝ տանը, մանկապարտեզում, համայնքում, որպեսզի գործնականում նվիրվեն տարբեր ոլորտներում և տարբեր մակարդակներով արդարության և հավասարության հասնելու գործին:¹

Բոլոր մարդիկ ունեն առաջնային իրավունքներ: Այս իրավունքները վերաբերում են բոլորին՝ անկախ ռասայից, գույնից, սեռից, լեզվից, կրոնից, սեփական կարծիքից, արմատներից, հարստությունից, ծննդյան կարգավիճակից կամ կարողություններից:

¹ Հանդուրժողականության ուսուցում - Երևան 2008 էջ 65-66 17.10.2022

Միայն մեծահասակները չէ, որ ունեն իրավունքներ: Երեխաները ևս ունեն իրավունքներ:

Բայց քանի որ երեխաները փոքր են և մեծահասակներից կախյալ վիճակում, հաճախ մեծահասակները նրանց չեն համարում իրավունքներով օժտված լիարժեք մարդկային էակներ: 1989 թվականին աշխարհի առաջնորդներն ընդունեցին մի համաձայնագիր, որով ամրագրվեց յուրաքանչյուր երեխայի համար մարդու առաջնային իրավունքները: Դրանով ցանկանում էին ամրագրել, որ երեխաները ևս ունեն իրավունքներ: Այս համաձայնագիրը «Երեխայի իրավունքների մասին» կոնվեցիան, վավերացվեց աշխարհի գրեթե բոլոր պետությունների կողմից: Յուրաքանչյուր պետություն, որ վավերացնում է այս համաձայնագիրը, պարտավորվում է ապահովել երեխայի իրավունքների պաշտպանությունն իր երկրում:

Կոնվեցիայով երաշխավորվում են երեխայի հետևյալ իրավունքները՝

. Ելանքի և իր ներուժի ամբողջական զարգացման իրավունք

Համապատասխան սնունդ, ապրելու տեղ և մաքուր ջուր

Կրթություն

Առողջապահություն

Ազատ ժամանակ և հանգիստ

Մշակույթային միջոցառումներ

Տեղեկատվություն իրենց իրավունքների մասին

Արժանապատվություն

Պաշտպանված լինելու իրավունք

Բռնությունից և անտեսումից

Շահագործումից

Դաժանությունից

Որոշումների կայացմանը հետևյալ կերպ մասնակցելու իրավունք

Արտահայտելով իրենց կարծիքը, որը պետք է հարգվի և հաշվի առնվի

Արտահայտելով իրենց կարծիքը այն հարցերի շուրջ, որոնք իրենց են վերաբերում

Ազատորեն հաղորդակցվելով այլ մարդկանց հետ

Տեղեկատվություն ստանալով

Դրական դաստիարակման մոտեցումը հիմնված է երեխայի առողջ զարգացման, բռնությունից պաշտպանվելու և սովորելու իրավունքների վրա:

Կոնվեցիայով ճանաչվում է ծնողների առաջնային իրավունքը իրենց երեխաների դաստիարակման գործում: Ծնողներն իրենց երեխաների կարևորագույն ուսուցիչներն են, օրինակը և ուղորդողները:

Սակայն ծնողներն իրենց երեխաների սեփականատերերը չեն: Մարդու իրավունքների սկզբունքները երաշխավորում են, որ ոչ մեկը չի կարող լինել մեկ ուրշի սեփականությունը:

Կարիք ունեցող երեխաների իրավունքները

Հայաստանի Հանրապետության կրթության մասին օրենքում երեխաների իրավունքների պաշտպանությանը վերաբերող տարբեր համաձայնագրերում և փաստաթղթերում տեղ են գտել կրթության առաձնահատուկ պայմանների կարիք ունեցող երեխաների՝ իրենց մյուս հասակակիցների հետ համատեղ կրթություն ապահովելու կարևորագույն հիմնահարցերը:

Վերապատրաստվելու ընթացքում կրթության զարգացման և նորարարությունների ազգային կենտրոնը խրախուսում է այն միջոցառումները, որոնք նպաստում են վերացնելու հասարակության տարբեր խմբերի միջև առկա մեկուսացնող սահմանները և ստեղծելու պայմաններ կրթությունն ավելի ժողովրդավար և հանդուրժող դարձնելու համար: Կրթության համակարգում ձեռնարկվել են համապարփակ բարեփոխումներ, որոնք սկիզբ են առել բոլոր ոլորտներում՝ մասնավորապես նախադպրոցական հաստատություններում: Իրականացվում է կրթության առաձնահատուկ պայմանների կարիք ունեցող երեխաների՝ հասակակիցների հետ հանրակրթական հաստատությունում սովորելու գործընթացը, որն ուղղված է նրանց սոցիալականացման ու հասարակական կյանքի ներգրավածության ապահովմանը: Կարևոր հանգամանք է նաև, որ հոգեբանամանկավարժական միջամտությունը թույլ է տալիս ձևավորել անհրաժեշտ հմտություններ՝ անձի անհատականության և նրա կարողությունների լիարժեք զարգացման համար: Այս իմաստով կարևորվում է այն դրույթը, որի համաձայն կրթության առաձնահատուկ պայմանների կարիք ունեցող երեխաների սոցիալականացման առաջին փորձն արդյունավետ է սկսել նախադպրոցական տարիքից և նախադպրոցական հաստատություններում: Կրթության առաձնահատուկ պայմանների կարիք ունեն այն երեխաները որոնց զարգացումը շեղվում է այսպես կոչված «միջին մակարդակից»:

Ընդհանարցնելով ասենք, որ «հատուկ կարիքով երեխաներ» ձևակերպման տակ այժմ հաճախ դասում են և՛ սակավամիտ, և՛ շարժողական խնդիրներ ունեցող երեխաներին: Ընդ որում «հատուկ» բնորոշումը վերաբերվում է երեխայի կրթական պայմաններին ու կարիքներին: Այսինքն՝ հատուկ են այն երեխաներին խնամելու, դաստիարակելու և ուսուցանելու պահանջներն ու պայմանները:

Նշենք այն կարևոր հանգամանքները, որոնց վրա պետք է հենվեն ներառական նախադպրոցական հաստատությունում աշխատող մասնագետները: Աշխատանքը կազմակերպել հետևյալ սկզբունքով, հատուկ կարիքներով երեխան խմբի լիարժեք անդամ է, ունի միևնույն իրավունքները, ինչ իր մյուս հասակակիցները: Հենվել երեխայի ուժեղ կողմերի և կարիքների վրա:

. Խմբում ստեղծել հանդուրժողականության մթնոլորտ:
. Համատեղ պարապմունքներն ու խաղերը կազմակերպել դաստիարակի և հատուկ մանկավարժի հետ միասին:
. Ծնողների հետ հատուկ աշխատանք տանել, հետևել երեխաների համար նախատեսված անհատական ծրագրի իրականացմանն ընտանիքում:
. Անհատական պարապմունքներ անցկացնել նուրբ շարժողականության զարգացման, հնքնասպասարկման, սոցիալական հմտությունների զարգացման ուղղությամբ:
. Անընդհատ հետևել մեթոդական նոր ցուցումների, համապատասխան գրականությանը:
. Հոգ տանել, որ հատուկ կարիքներով երեխաներին անհարժեշտ բոլոր ծառայություններն իրականացվեն ժամանակին:
. Դաստիարակի օգնությամբ իրականացնել կրթության առաձնահատուկ պայմանների կարիք ունեցող երեխաների խնամքը:

. Օգնել երեխաներին կենցաղային և կուլտուր-հիգիենիկ միջոցառումների իրականացման ընթացքում:

. Նախադարձական ներառական հաստատության հետ համագործակցում են հետևյալ ծառայությունները:

. Ամբուլատոր և ստացիոնար բուժօգնություններ, որոնց անձնակազմում ընդգրկված են մանկաբույժ, նյարդաբան, բուժական մերսոլ և այլ բժիշկներ:

. Հոգեբանական կենտրոն, որտեղ աշխատում են հոգեբանը, արատաբանը, սոցիալական աշխատողը, հատուկ մանկավարժը, արտթերապևտը:

. Քաղաքապետարանի սոցիալական ծառայություն, որտեղ ընդգրկված են իրավաբաններ, սոցիալական աշխատողներ:

. Մանկավարժական ուղղվածությամբ հաստատություններ, ինչպես, օրինակ՝ հայկական պետական մանկավարժական համալսարանը, կրթության ազգային ինստիտուտը:

կրթության առաձնահատուկ պայմանների կարիք ունեցող երեխաների կրթադաստիարակչական աշխատանքների լիարժեք իրականացման համար անհրաժեշտ է նախադարձական հաստատությունների գործունեության մեջ ներգրավել երեխաների ընտանիքներին:²

5-6 տարեկան երեխաների ազատ որոշումներ կայացնելու իրավունք

Թեմայի նպատակն է երեխաներին տեղեկություններ տալ, թե ինչպես նրանք կարող են իրենց ազատ քննարկումների միջոցով հաղթահարել ցանկացած դժվարություններ:

² Նախաշաբլիկ – Երևան 2012 Էջ 33 24.10.2022

Եթե ուզում ենք ժամանակակից կյանքի պահանջներին պատրաստ սերունդ ունենալ, նախ և առաջ պետք է օգնել երեխաներին, որպեսզի մեծանալով դառնան պատասխանատու քաղաքացիներ , ունենան անհատական մտածողություն, լինեն ինքնուրույն և իրենց խոսքում լինեն ազատ : Այս ամենի համար կարևոր է, որ նրանք կարողանան պատասխանատու որոշումներ կայացնել, ծառայած խնդիրների համար լուծումներ առաջարկել: Երեխաներին ընտրության հնարավորություն տալով օգնում ենք խթանել նրանց կարողությունները, որոնք հետագայում կնպաստեն ավելի ազատ և անկաշկանդ որոշումներ կայացնելուն:

Ի՞նչ են ազատ որոշումները , և ի՞նչ երեխայի ազատությունը:

Որոշումներն ունեցած տեղեկությունների հիման վրա ստացված դատողություններն ու եզրահանգումներն են: Խնդիրները երկրնորանքներն են, որոնք հարկավոր են վերլուծել որոշումներ կայացնելու համար:

Ազատ որոշումներ կայացնել կարողանալը երեխաներին նախապատրաստում է ժողովրդական հասարակության մեջ ապրելուն: Սակայն նույնիսկ պարզագույն հարցերի վերաբերյալ համաձայնության հասնելը բավական բարդ խնդիր է : Ուստի երեխաներին պետք է թույլ տալ ինքնուրույն մտածել, պետք չէ ասել այն, ինչ նրանք արդեն գիտեն կամ կարող են կռահել: Կարևոր է խրախուսել, որպեսզի հնարավորինս ինքնուրույն և ազատ եզրահանգումներ կատարեն:

Երեխաները որքան հնարավորություն ունենան մտորելու, ազատ և ինքնուրույն վերլուծելու իրենց շուրջ տեղի ունեցող երևույթները, համադրելու միմյանց դիտարկումները՝ դրանց հիման վրա եզրահանգումներ անելով, այնքան ավելի լավ պատրաստված կլինեն բացահայտելու, պահպանելու և փոփոխելու իրենց շրջապատող աշխարհը:

Որքան ավելի հնարավորություն տանք, որ իրենք փորձեն ազատ, անկաշկանդ լուծումներ առաջարկել՝ միասին անցնելով կասկածների, մերժելու որոշումների ճանապարհը, ծանրութեթև անելով թեր և դեմ կողմերը, այնքան ավելի մեծ կլինեն պատասխանատվություն ստանձնելու իրենց իսկ առաջարկած լուծումների արդյունավետության, ապա և իրագործման համար:

Վե՞նց սրանում է կայանում երեխայի ազատությունը:

Կյանքը ազատ որոշումներ կայացնելու մի շղթա է: Ինչ- որ որոշումներ կայացվում են ինքնուրույն, մյուսները՝ հասարակական ճնշման ներքո: Չնայած դրան ազատ

արտահայտվելու, որոշումներ կայացնելու, կամ խնդիրներ լուծելու բոլոր արդյունավետ մեթոդներն էլ իրար նման են:

Տալով երեխաներին ազատություն, և տանելով նման պարապմունքներ, մենք ակնկալում ենք հետևյալ արդյունքները:

Երեւելիքը կգիտակցեն ինքնությունը և կոլեկտիվ խնդիրների համատեղ առավելությունները և լուծումները: Երեւելիքի մոտ կգարգանան տրամաբանելու, վերլուծելու, փաստարկներ բերելու, հիմնավորելու, եզրահանգումներ անելու հմտությունները:

Երեւելիքը կկարողանան ազատ և ինքնություն որոշումներ կայացնել:

Ի՞նչ է ազատ խաղը , և ինչու՞ պետք է այն խրախուսել

Խաղային ժամանցը միայն զվարճանալու համար չէ, այլև սովորելու: Երբ փոքրիկը ոտանավոր է կրկնում, նա աշխատում է լեզվի զարգացման հմտությունների վրա: Երեւելիքը սիրում է գնդակ նետել օդ ու բռնել այն: Նա կառուցում է իր մեծ շարժողական և ձեռքի – աչքերի համակարգման կարևոր հմտությունները:

COVID-19 համաճարակի ընթացքում շատ երեւելիքը գրկվել են իրենց ընկերների հետ խաղալու հնարավորությունից, ինչը անհրաժեշտ է նրանց զարգացման համար: Չնայած երեւելիքի համար կարևոր է շփվել իրենց հասակակիցների հետ, ինքնություն խաղալ, որը նույնպես օգուտներ ունի:

Ի՞նչ է ազատ խաղը

Ազատ խաղն այն է, երբ երեւելիքը կարող են խաղալ այնպես, ինչպես ուզում են: <<Նրանք կարող են ընտրել ամեն ինչ, նրանք ազատ են ընտրել իրենց խաղի նյութերը, հետաքրքրության տարածքը և նույնիսկ սյուժեն>>, - բացատրում է Ջամանը: Ազատ խաղաժամանակի ընթացքում երեւելիքը կարող են ինքնադրստրուկտուր, իրենց շուրջ ստեղծելով այն ինչն իրենց է հետաքրքիր՝ կախված օրից, ժամից և իրավիճակից, որում գտնվում են: Այս տեսակի հնարավորությունները շատ կարևոր են երեւելիքի համար:

Յուրաքանչյուր երեւելիքը եզակի է և ունի ինքնադրստրուկտուրման ուրյն ձև:

Կան երեւելիքներ, որոնք սիրում են նկարել, բայց մյուս երեւելիքները կցանկանան գլուխկոտրուկներ լուծել: Յուրաքանչյուր երեւելիք ունի ստեղծագործական արտահայտման յուրահատուկ եղանակը:

Ո՞րն է ազատ խաղի օգտակարությունը երեւելիքի համար

Երբեմն լավ է, որ երեւելիքը մենակ կամ ինքնություն են խաղում: Երբ երեւելիքն մենակ է խաղում, նա զբաղվում է իրենով՝ օգտագործելով իր երևակայությունը և շատ վաղ

մանկությունից նրանք անկախ են: Վաղ տարիքում անկախության ձևավորելն օգտակար է հետագա կյանքի ընթացքում:

Ազատ խաղն կարևոր է նաև խնդիրների լուծման հմտությունների ձևավորման համար: Խաղի ընթացքում նրանք կարող են գտնել խնդրի լուծումը, կամ սեփական լուծումն առաջարկել: Նրանք պետք է արտահատեն իրենց մտածելակերպը: Այդ հմտությունները զարգանում են երբ երեւելիքն ինքնություն է խաղում:

Ազատ խաղը երեխայի համար հնարավորություն է ստեղծում յուրովի ուսումնասիրել սեփական աշխարհը և օգնում խթանել ստեղծագործելու ունակությունը ու օգտագործել երևակայությունը, ուստի ազատ խաղերը ընտրելու հնարավորություն պետք է տալ վաղ տարիքից:

Շատ կարևոր է երեխաներին մանկուց բացատրել՝ ինչ է ազատությունը, հիմնաքարային բաներ կան, որոնք հետո երեխաների մոտ աշխարհայացք են ձևավորում:

Իմ կարծիքով պետք է ստեղծվեն ավելի շատ մանկական միջոցառումներ, որ մեծերը մի քիչ երեխա դառնան, մի քիչ էլ իրենք երևակայեն, երեխաներն էլ արժևորված զգան իրենց, որ սիրված են և ազատ, այդ ազատությունները իրենց պետք է տրվեն, ու մենք էլ դրա երեշխավորները պետք է լինենք:

Քննադատություն մեծահասակի կամ ծնողների կողմից

Երբեմն դաստիարակները կամ ծնողները ցանկանում են ուղղել երեխաներին նրանց կոչելով վատ երեխա, կոպիտ, անզգույշ տհաս կամ անկարող: Երբ երեխաները նման քննադատություն են լսում իրենց մերժված և ձախողված են զգում: Կամա թե ակամա վիրավորվում է նրանց պատիվն ու արժանապատվությունը:

Եթե նրանք ընդունեն, որ անկարող են, դժվար թե նրանք փորձեն աշխատել նոր հմտություններ ձեռք բերելու ուղղությամբ:

Ստացվում է այնպես, որ դաստիարակները, ուսուցիչները և ծնողները փոխարեն կերտելու լավ ապագա ունեցող սաներ, դրդում են տարբեր տեսակի հանցագործության վիրավորելով երեխայի պատիվն ու արժանապատվությունը:

Երեխաները սովորում են: Իրենց գիտելիքները և հմտությունները կառուցելիս նրանք մեզանից են կախված: Նրանք մեր խրախուսանքի և աջակցության կարիքն ունեն:

Եթե մենք բաժրացնում ենք երեխայի ինքնագնահատականը, երեխաները առավել հաջողակ են դառնում, քանի որ նրանք ցանկանում են փորձ անել: Նրանք ավելի ուրախ են, քանի որ ձախողումները հաղթահարելիս նրանք վստահում են իրենց հմտություններին: Նրանք լավ հարաբերության մեջ են դաստիարակների հետ, որովհետև գիտեն որ դաստիարակը հավատում է իրենց ուժերին: Դաստիարակները մեծ դեր կարող են ունենալ երեխաների ինքնագնահատականի բարձրացման ճանապարհին: Նրանք կարող են .

Գնահատել իրենց երեխաների ջանքերը, եթե նույնիսկ դրանք կատարյալ չեն,

Գնահատել լսման երեխաների՝ օգնություն ցույց տալու ցանկությունը,

Աջակցել երեխաներին նրանց ձախողումների ժամանակ

Խրախուսել հետագա ջանքերը,

Երեխաներին ասել այն, ինչ նրանց օգնում է իրենց առաձնահատուկ զգալ:

Խրախուսանքը մեզ՝ բոլորիս օգնում է հաջողության հասնել: Փոխարինելով վիրավորանքը խրախուսանքով՝ կարող ենք հսկայական դրական ազդեցություն ունենալ երեխայի վրա:

Ի՞նչն է վիրավորում երեխային

Մանկության շրջանում հիմնական երևույթներից մեկը հույզերի կառավարումն ու արտահայտումն է: Սա բարդ առաջադրանք է, քանի որ հույզերը մեզ երբեմն խանգարում են ճիշտ մտածել: Դրանք կարող են մեզ հանգեցնել իմպուլսիվ գործողությունների՝ ասել կամ անել բաներ, որ այդ պարագայում երբեք չէինք ասի կամ անի:

Երեխայի համար բարդ խնդիր է հույզերը հասկանալը և դրանք դրական կերպով արտահայտելը: Երբեմն երեխայի հույզերը նրանց հունից հանում են: Ինչպես վաղ մանկության հասակում, միջին հասակում ևս երեխաները կարող են պարզապես լուռ լինել, ի վիճակի չլինել կամ վախենալ արտահայտել իրենց զգացողությունները:

Այս պահերին նրանք պետք է զգան , որ իրենք սիրված և պաշտպանված են: Հնչտ չէ հանգիստ խոսել երեխայի հետ, երբ նա անկառավարելի է և զայրացած: Առավելագույնը, որ կարող ենք անել, նրա կողքին լինելն է՝ մեր գործողություններով, ապացուցելով, որ մենք նրան սատարում ենք, եթե նա մեր կարիքն ունի: Երբ <<Փոթորիկը հանդարտվի>>, մենք կարող ենք խոսել խնդրի մասին և մեր հանգիստ վարքագծով կարող ենք ցույց տալ մեր երեխային, թե ինչպես կարելի է դրական կերպով արտահայտել հույզերն ու զգացմունքները: Մենք կարող ենք նաև նրանց ցույց տալ այն խնդրի լուծումը գտնելու ճանապարհները, որը բռնկումի պատճառն է հանդիսացել: Երբ վիրավորվում է երեխայի պատիվն ու արժանապատվությունը երեխան վիրավորվում է, բայց փոթորիկը անցողիկ է: Մանկապարտեզում նորմերն ու սահմանափակումները կարող են այնպիսի դրական կերպով կիրառվել, որով կվերահաստատվի երեխայի ինքնավստահությունը: Նորմեր և սահմանափակումներ կիրառելով հանդերձ՝ ծնողը կամ դաստիարակը կարող են չլինել կոպիտ և վիրավորող երեխայի նկատմամբ: Ահա որոշ օգտակար խորհուրդներ ծնողավարման դրական մոտեցումների համար՝

Համոզվեք, որ միջավայրը, բնակարանը, խմբասենյակը անվտանգ է երեխայի համար և բոլոր վտանգները, սպառնալիքները դուրս են երեխայի ճանապարհից

Համոզվեք, որ երեխաները գիտեն, թե ինչ են անում և թե ինչ է նրանցից ակնկալվում:

Օգնեք նրանց ստեղծելու և պահպանելու որոշ պարզ և բարի կանոններ, օրինակ՝ <<մանկապարտեզում մեր խաղալիքները ընդհանուր են>>:

Առավելապես կենտրոնացեք նկատելու երեխայի <<լավ>. պահվածքը կամ կատարած աշխատանքը :

Արագ և պատշաճ կերպով գովեք նրանց և թույլ տվեք մյուսներին ևս իմանան, որ երեխաները լավ են դրսևորել իրենց:

Որքան հնարավոր է խուսափել նկատել <<վատ>> պահվածքը, վարքը (աշխատել չկառչել դրանից):

Օգտագործել ամենատարբեր մեթոդները՝ վերականգնելու երեխայի ընդունելի վարքագիծը (օրինակ ցույց տվել երեխաների նկարած նկարները) :

Արել այնպես, որ երեխան իմանա, թե կոնկրետ ինչպիսի վարքի համար է խրախուսվում, գովաբանվում, դրա համար գովելիս դա արտահայտել նախադասության մեջ (օրինակ Շա՛տ ապրես, դու կապեցիր քո ոտնամանի թելերը:);

Միշտ երեխային ցույց տվել , որ դուք սիրում եք նրան անկախ նրանից , թե ինչպիսի վարք է դրսևորում տվյալ ժամանակ :

<<Լավ>> վարքի համար ստեղծել հատուկ պարգևատրումներ (խուսափել քաղցրավենիքով պարգևատրումներից):

Ավելի փոքր երեխաների դեպքում բոլոր ուղղումները, նկատողություններն ու բացատրությունները պետք է տեղում անմիջապես իրականացվեն, քանի որ նրանք ի վիճակի չեն մի քանի ժամ կամ օր հետո վերհիշել իրենց վարքը: Տվել կարճ և հստակ բացատրություններ: Երեխայի մեծանալուն զուգահեռ ընդլայնել տրամաբանական կապը:³

Վիրավորանք թե՛ խրախուսանք և գովասանք

Դրական ուշադրությունը նպաստում է երեխայի բարեկեցությանը: Երեխաները կարիք ունեն սիրված և գնահատված լինելու: Շատ ծնողներ կարծում են, որ ավելի հեշտ է բացասական կարծիք տրամադրել քան դրական, սակայն միշտ արժե խրախուսել երեխային: Ընտրելով և ամեն օր երեխայի համար օգտագործելով ստորև ներկայացված որոշ արտոնություններ՝ մենք կնկատենք, որ նա ավելի շատ ուշադրություն է տրամադրում մեզ՝ միևնույն ժամանակ փորձելով գոհացնել:

<<Այո>>, <<Լավ>>, <<Տիպիկ>>, <<Շատ լավ>>, <<Գերազանց> . . :

<<Ինձ դուր է գալիս թե՛ ինչպես ես դա անում>>:

<<Ես հիացած եմ քեզանով>>

<<Ես նկատել եմ, թե՛ դու ինչ գեղեցիկ ես նկարում>>:

<<Դու ավելի ու ավելի լավ ես պատմում հեքիաթը>>:

Նմանատիպ գեղեցիկ խոսքերը միշտ ոգեշնչում են երեխաներին:

Մենք կարող ենք նրանց ցույց տալ կամ ասել թե՛ ինչ ենք զգում:

Ժպտանք: Գլխով համաձայնվենք: Շոյենք ուսը, գլուխը:

Արտահայտել մեր համաձայնությունը շարժումով կամ ձայնով, <<գերազանց է>> արտահայտությամբ, շոյենք այտը: Ինչու չէ նաև գրկենք:

³ Դրական ծնողավարման ձեռնարկ Երևան 2011 էջ 56-57 25/10/2022

Այս ամենը անելով մենք կբարձրացնենք երեխայի ինքնագնահատականը, և մեր դրական վերաբերմունքով չենք վիրավորի մեր երեխաների պատիվն ու արժանապատվությունը: Մենք միասին կարող ենք կերտել լավ ապագա մեր երեխաների համար: Ամեն ինչ կախված է մեզանից:

Կոմպլեքս, թեմատիկ ուսուցման պլանավորումը մանկապարտեզում

Կրթադաստիարակչական աշխատանքների պլանավորումը մանկապարտեզում համարվում է դաստիարակի կարևոր գործառույթներից մեկը: Պլանավորման մեջ մեծ տեղ պետք է հատկացնել ինտեգրված- թեմատիկ ուսուցմանը, որի հիմքում ընկած են ուսուցման ծրագրային նյութի ամբողջականությունն ինչպես տարվա, ամսվա, այնպես էլ շաբաթվա և օրվա կտրվածքով:

Կենտրոնացված ուսուցման պլանավորումը իրականացվել է հետևյալ հիմնադրույթների հաշվառմամբ:

-Հիմնական ծրագրային նյութի ուսուցում և ամրակայում խմբային պարապմունքների միջոցով

-Հեռանկարային պլանավորում, որի առաձևահատկությունը կրթադաստիարակչական գործընթացի կանխատեսումից ինչի՞ մասին երեխան պետք է պատկերացում կազմի , ի՞նչ պետք է իմանա

Կրթադաստիարակչական աշխատանքների ծրագրավորումը , որի հիմքում կենտրոնացված ուսուցումն է, պահանջվում է դաստիարակի հետևյալ քայլերը

- Ծրագրային նյութի յուրացում մեկ շաբաթվա կտրվածքով
- Ամփոփիչ միջոցառման մշակում, որը հնարավորություն կտա գնահատելու երեխաների ձեռքբերումները և ծրագրի նպատակները
- Ձևավորող գնահատականի, վերջնաարդյունքի ամփոփում:
- Անհարժեշտ է նշել, որ ծրագրի արդյունավետությունը պայմանավորված է
- ամփոփիչ միջոցառման ժամանակ երեխաների կողմից դրսևորող գիտելիքների և ձևավորված հմտությունների համալիր գնահատականով: Ներկայացնում եմ ավագ խմբի համար նախատեսված պարապմունքի օրինակ:

<< Հրաշքների մուրակը >>

Նպատակները՝

- Օգնել երեխաներին գիտակցել, որ բոլորը ունեն իրավունքներ և վերհանել դրանց դերը:
 - Օգնել տարբերակել կարիքներն ու պահանջները ըստ առաջնահերթության: Նպաստել իրավունքների անհարժեշտությունը գիտակցելուն:
 - Ծանոթացնել երեխայի իրավունքներից մի քանիսին, օգնել գիտակցել դրանց անհրաժեշտությունը:
 - Դաստիարակել հանդուրժողականություն :
 - Ջարգացնել և ամրակայել միմյանց հետ խոսքային հարաբերության մեջ մտնելու, տարեկիցների և մեծահասակների հետ հանգիստ զրուցելու, չպիտակավորելու կարողություն:
 - Ջարգացնել զրույցին մասնակից լինելու երեխաների կարողությունը, սովորեցնել վարել ակտիվ երկխոսություն:
 - Ջարգացնել զրուցակցին լսելու, իր տեսակետը արտահայտելու, ուրիշի տեսակետը լսելու, ընդհանուր զրույցին քաղաքավարի մասնակցելու կարողություններ:
- Անհարժեշտ պարագաներ՝ - սեղանային թատրոն շնիկ, տուփ, քարտեզ, գիտունիկ, <<Կենդանաբանական այգում>> նկար, գնդակ, Տիկնիկ Ալիսան, զարդարված գիրք:

Կիրառվող մեթոդներն ու մեթոդայան հնարներն են՝ << Անակնկալ >>, << Հարց ու պատասխան >>, << Մտագրոհ >>:

Ընթացքը՝

Անակնկալների մեթոդ

Դաստիարակ.- Երեխաներ այսօր մեզ հյուր է եկել փոքրիկ Դինո շնիկը, նա շատ տխուր է, իսկ Դուք կարող եք գուշակել ի՞նչ է պատահել Դինոյի հետ:

Կիրառվում է մտագրոհի մեթոդը

Լսել երեխաների պատասխանները, որից հետո շարունակել:

- Երեխաներ Դինո շնիկը իր հետ մի փոքրիկ տուփ է բերել տեսնենք ինչ կա նրա մեջ: Բացել տուփը, տուփի մեջ ինչ-որ քարտեզ, քարտեզի մեջ նամակ:

<<Բարև ձեզ սիրելի երեխաներ: Ձեզ է գրում հրաշքների մոլորակի արաքայադուստր Ալիսան: Մեր երկրում բազմատեսակ քաղաքներ կան, որոնք զարմանալի անուններ ունեն << իրավունք>> <<ազատություն>> << պատիվ արժանապատվություն>>:

Հրաշքների մոլորակը վտանգի մեջ է, չար կախարհ Ավիրենը մոլորակը խառնել է իրար, իսկ մենք չենք կարողանում այն վերականգնել, նշեմ նաև, որ մեր մոլորակի փոքրիկներն էլ են վտանգի մեջ:

Մեր երկրի ամենաձեր բնակիչը պատմեց, որ երկիր մոլորակում կա << Ձեփյուռ>> Մանկապարտեզ, ուր հաճախում են համարձակ երեխաներ և միայն նրանք կարող են օգնել փրկելու մեր մոլորակը: Եվ Դինոյի հետ որոշեցինք ուղարկել այս տուփը, որի մեջ է մեր մոլորակի ուղևորության քարտեզը:

Խնդրում եմ երեխաներ վերականգնեք մեր մոլորակը այն ձեզ էլ շատ կօգնի>>:

Իրավունքների քաղաք

Դաստիարակը հարցնում է երեխաներին << Ինչ կուզեին ունենալ>> ցանկը՝ ներկայացնելով, որ դրանք անհարժեշտ են լիարժեք ապրելու համար:

Լսելով երեխաների պատասխանը առաջարկում է պատկերացնել. թե օդապարհկով ճամփորդում են : Օդապարհկում են գտնվում թվարկվածները << Ծանրոցների տեսքով, որոնք իրավունքներ են խորհրդանշում:Եղանակը անսպասելի վատանում է և միակ միջոցը ծանրոցներից մեկը դուրս նետելն է: Այսպես շարունակվում է մինչև ծանրոցները հինգը մնան, դրանք են

1. Համապատասխան սնունդ, ապրելու տեղ
2. Կրթություն
3. Առողջապահություն
4. Ազատ ժամանակ և հանգիստ
5. Պաշտպանված լինել

Խաղ

Քննարկման հարց

Որ իրավունքներից էր համեմատաբար հեշտ հրաժարվել որից՝ դժվար:Որո՞նք պահեցիք՝ ինչու՞ :

Դաստիարակ- Ես կարծում եմ, որ մենք կարողացանք հաղթահարել առաջին փորձությունը և փրկել << իրավունքի>>քաղաքը:

Դաստիարակ.- Մեզ հյուր եկած գիտունիկը իր հետ բերել է նաև հարցեր, որտեղ կան նաև սխալ կարծիքներ երեխաների ազատության վերաբերյալ, մենք պետք է առաձնացնենք, որ ազատության իրավունքներն են ճիշտ:

Գրիգորը պաղպաղակի թուղթը գետնին էր գցել:

Ես մայրիկիս ասացի, որ շրջագգեստը գեղեցիկ էր:

Մայրիկիս թույլտվությամբ ես ընտրեցի իմ այսօրվա հագուստը:

Տիգրանը ծիրանենու ծաղկած ճյուղ է նվիրել Անիին:

Առավոտյան մանկապարտեզում մենք ընտրեցինք թե ինչ խաղալիքներով խաղանք:

Մանեի հայրիկը արգելում է նրան տնից դուրս գալ:

Հայրիկս բարկացավ, երբ ես վերցրեցի նրա գործիքները:

Ես և քույրիկս միասին խաղում ենք բակում:

Խաղ << Ամենալավ տարբերակը>> գնդակը փոխանցելով իրար պատասխանում են <<Ես այս պարապմունքից սովորեցի>>,<< Իսկ դու՞ >>: Այսպիսով՝ ամեն նախորդ մասնակից հաջորդին է փոխանցում պատասխանելու հնարավորությունը:

Ազատության քաղաք

Երեխաներ ես Արմենն եմ ,ապրում եմ հրաշքների մոլորակում: Չար տատիկը իմ քաղաքը դարձրել է վանդակների քաղաք, բայց այն, <<ազատության>> քաղաք էր: Խնդրում եմ երեխաներ օգնեք վերականգնել մեր քաղաքը:

Դե ինչ փակենք մեր աչքերը, հաշվենք 1-10 և հայտնվեք ազատության մոլորակում: Մինչ երեխաները փակած աչքերով հաշվում են, հայտնվում է գիտունիկը՝ ձեռքին նկար՝ << Կենդանաբանական այգում>>:

Հարց գիտունիկի կողմից

<<Կենդանիները իրավունք ունեն ազատ ապրելու և ինչու՞>>:

Ղաստիարակ- Քանի որ դուք ունեք ազատ խոսքի իրավունք եկեք միասին քվեարկենք հետևյալ ձևով.

Բթամատը վեր- համաձայն եմ, որ կենդանիներին ազատ արձակեն:

Բթամատը վար – համաձայն չեմ:

Բթամատատը հորիզոնական – չգիտեմ:

Այնուհետև դաստիարակը իրար հետևից հարցադրումներ է անում, երեխաների ազատությունը թեմայի շուրջ(տվյալ տարիքային խմբի կարողություններին և հետաքրքրություններին համապատասխան):

Խաղի մեջ կարող են օգտագործվել պարապմունքի համար նախատեսված թեմաներին առնչվող հարցեր՝ կերպարների կայացրած որոշումների վերաբերյալ:

Քննարկման հարցեր

Ի՞նչ էիք զգում, երբ Դուք ունեիք ազատ խոսքի իրավունք կամ ազատ ընտրելու իրավունք:

Էլ ի՞նչ հարցերի վերաբերյալ կուզեիք քվեարկությամբ կարծիք հայտնել:

Պատվի և արժանապատվության քաղաք

Դաստիարակ- Երեխաներ ես չգիտեմ ինչպես հաղթահարենք այս փորձությունը, մենք ոչ մի հուշող նկար կամ ընկեր չունենք, որ օգնի:

Լսվում է դրան թակոցը, ներս է գալիս Տրաշքների մոլորակի Արքայադուստրը, ձեռքին գեղեցիկ գարդարված գիրք:

- Ես գիտեմ մեզ ով կօգնի: Մեզ կօգնի հեքիաթների հրաշալի գիրքը, այն կախարդական է բացեք և կհամոզվեք:

Դաստիարակը բացում է գիրքը և կարդում հետևյալ հեքիաթների վերնագրերը, որոնք երեխաները սովորել են նախօրոք: <<Անճոռնի ճուտիկը>>, <<Տենզել ու Գրետելը>> և <<Մոխրոտիկը>> . :

Որից հետո սկսում են քննարկել

Ինչու՞ էր ճուտիկը տխրել:(որովհետև վիրավորել էին ճուտիկի պատիվն ու արժանապատվությունը) :

Դուք ինչպես կվարվեիք եթե մեր խմբասենյակում լինեին նման տեսքով տղաներ կամ աղջիկներ:

Լսելով պատասխանները, բացատրել երեխաներին, որ անկախ տարիքից, տեսքից, գույնից բոլորը ունեն պատիվ և արժանապատվություն, համատեղ ապրելու իրավունք, և ցանկացած իրավիճակում պետք է օգնել և ընկերանալ նրանց հետ:

Խաղ <<Մեր իրավունքները մեր պաշտպաններն են>>

Խաղի նպատակն է ծանոթացնել երեխայի իրավունքներից մի քանիսին, օգնել գիտակցել դրանց անհարժեշտությունը:

Դաստիարակը երեխաներին բաժանում է 3 խմբի, որից հետո յուրաքանչյուր խումբ պետք է քննարկի մեկական հեքիաթ:

Որտեղ են ոտնահարվել նրանց պատիվն ու արժանապատվությունը:

Վերջացնելոց հետո խմբերը հերթով ներկայացնում են իրենց դիտարկումները՝ դաստիարակի օգնությամբ:

Խաղ- ավարտիք նախադասությունը

Մոխրոտիկը տխուր էր, որովհետև . . .

Ճուտիկը լաց էր լինում, որովհետև . . .

Գրետնիլը վախեցած էր , որովհետև . . .

Նենգելը չէր վախենում, որովհետև . . .

Ամփոփում

Ի՞նչ սովորեցիք այս պարապմունքից:

Որո՞նք են ձեր իրավունքները:

Ի՞նչ պարտականություններ ունեք դուք:

Ինչպե՞ս պետք է վարվել հատուկ կարիք ունեցող երեխաների հետ:

Դաստիարակ- Մենք լսեցինք տարբեր հեքիաթներ և պատմություններ:

Ի՞նչ հասկացանք:

Որ չի կարելի պիտակավորել մարդկանց, թե՛ կենդանիները, թե՛ երեխաները ունեն ազատ ապրելու իրավունք, երեխաները ունեն ազատ խոսելու իրավունք:-Եվ քանի որ մի փոքրիկ ժպիտը, քաղցր խոսքը կարող է օգնել բոլորին, մենք կխաղանք <<Ընկերությունը սկսվում է ժպիտից>> խաղը:

Շրջանաձև նստած երեխաները բռնում են միմյանց ձեռքերը, նայում են իրենցից աջ նստածի աչքերի մեջ և ամենաբարի ժպիտը նվիրում միմյանց՝ ասելով որն է հրաշալի բառը:

Դաստիարակը կարող է սովորեցնել նաև թեմային համապատասխան բանաստեղծություններ և աշխուժացնող խաղեր երաժշտության ուղեկցությամբ: Մեկ շաբաթվա ընթացքում թեմայի առավելությամբ կարող է կիրառվել խոսքի զարգացման ցանկացած տեսակ:Ձրույց, խաղ պարապմունք, ոտանավորի ուսուցում, խորացում, դիդակտիկ խաղ, դաստիարակի օրինակով պատմում: Վերջիններս կարելի է ինտեգրել կերպարավեստի, մաթեմատիկայի և գործունեության տարբեր տեսակների հետ: Ի հավելումն այս ամենի՝ թեմայի ավարտին երեխաներին նվիրում են թղթից պատրաստված տարբեր երկրների դրոշակներ, որոնց վրա նախապես գրված են երեխաներին գովերգող բարեմախթանքներ:

Եզրակացություն

Ուսումնասիրելով երեխաների իրավունքները, ազատությունը, պատիվն ու արժանապատվությունը՝ եկանք այն եզրակացության, որ երեխաները օժտված են մարդկային միևնույն ընդհանուր իրավունքներով, որոնցով ճանաչվում են նրանց հատուկ կարիքները: Երեխաները իրենց ծնողների սեփականությունը չեն, և ոչ էլ բարեսիրության անօգնական օբյեկտները: Նրանք մարդկային էակներ են և իրենց իսկ իրավունքների սուբյեկտները:

Յուրաքանչյուր երեխա ունի պատիվ և արժանապատվության իրավունք: Ոչ մի երեխա անձնական, ընտանեկան կյանքի, գրագրության և հեռախոսային խոսակցության, գաղտնիության կամ բնակարանի անձեռնամխելիության իր իրավունքներն իրականացնելիս չի կարող ենթարկվել կամայաական, ապօրինի միջամտության կամ իր պատվի և արժանապատվության նկատմամբ ոտնձգությունների:

Երեխայի պատվի և արժանապատվության դեմ ոտնձգություն կատարած յուրաքանչյուր անձ, ներառյալ ծնողները կամ այլ օրինական ներկայացուցիչները, երեխայի դատարարությունը և ուսուցումն իրականացնող այլ անձինք պատասխանատվություն են կրում Հայաստանի Հանրապետության օրենսդրությամբ սահմանված կարգով: Յուրաքանչյուր երեխա ունի մտքի, խղճի և ազատ խոսքի իրավունք: Երեխայի հայացքները, համոզմունքները և կարծիքը ենթակա են նրա տարիքին և հասունությանը համապատասխան պատշաճ ուշադրության: Ցանկալի է, որ յուրաքանչյուր անձ, ով աշխատում է երեխաների հետ, պահպանի բոլոր այն նորմերն ու օրենքները, որոնք վերաբերվում են երեխաներին:

Օգտագործված գրականության ցանկ

1. Դրական ծնողավարման ձեռնարկ
2. Հանդուրժողականության ուսուցում
3. Նախաշավիղ
4. <<Փրկենք երեխաներին>> միջազգային կազմակերպություն